



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në mbështetje të nenit 58 pika h.) të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës nr.28 të datës 4 qershor 2008 dhe nenit 40 pika h.) të Statutit të Komunës së Lipjanit 1Nr.110-623 të datës 26.09.2008, Kryetari i Komunës propozon:

Në mbështetje të neneve 12, 17 shkronja r) dhe 58 shkronja a) të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës nr. 28 e datës 4 qershor 2008, si dhe neneve 9 shkronja r), 20 dhe 40 shkronja a) të Statutit të Komunës së Lipjanit 1Nr.110-623 i datës 26.09.2008, Kuvendi i Komunës në mbledhjen e datës _____ të miratojë këtë :

PROPOZIM

VENDIM

PËR MIRATIMIN E LIDHJES SË MARRËVESHJES PËR BASHKËPUNIM NË MES TË KOMUNËS SË LIPJANIT DHE N.SH. "CINEMA SHALA"

Neni 1

1.1 MIRATOHET, lidhja e Marrëveshjes për bashkëpunim në mes të Komunës së Lipjanit dhe N.SH " Cinema Shala"

1.2 AUTORIZOHET, Kryetari i Komunës që në emër të Komunës së Lipjanit të nënshkruaj Marrëveshjen e cekur.

Neni 2

Pjesë përbërëse e këtij Vendimi është Marrëveshja për Bashkëpunim.

Neni 3

Ky Vendim hyn në fuqi 15 ditë pas regjistrimit në Zyrën e protokolit të Ministrisë të Administrimit të pushtetit lokal si dhe publikimit në gjuhë zyrtare në faqen elektronike të Komunës.

Arsyetim

Baza juridike për të propozuar këtë Vendimësthë e përcaktuar me dispozitat e Ligjit për Vetëqeverisje Lokale dhe Statutin e Komunës ndërsa qëllimi i miratimit të këtij Propozim Vendimi është lidhja e kësaj Marrëveshje në interes të Komunës e cila ka për qëllim aktivizimin i kinemasë dhe teatrit .

Nga të cekurat kërkohet nga Kuvendi i Komunës miratimin e këtij Propozim-Vendimi.

1Nr. 644-11745

Lipjan, Më 04.03.2015

KRYETARI I KOMUNËS

Imri Ahmeti






REPUBLIKA E KOSOVËS

REPUBLIKA KOSOVA

REPUBLIC OF KOSOVA



KOMUNA E LIPJANIT

OPŠTINA LIPLJAN

MUNICIPALITY OF LIPJAN

Në mbështetje të nenit 17 shkronja r) dhe nenit 58 shkronja a) të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 e datës 4 qershor 2008, nenit 9 shkronja r), dhe nenit 40 shkronja a) të Statutit të Komunës së Lipjanit 1Nr.110-623 i datës 26.09.2008, Komuna e Lipjanit dhe N.SH " Cinema Shala "me Seli në Magurë lidhin këtë:

MARRËVESHJE PËR BASHKËPUNIM

Neni 1

Palët nënshkruese

1.1 Komuna e Lipjanit e përfaqësuar nga z.Imri Ahmeti (në vazhdim të tekstit Komuna)

1.2 N.SH "Cinema Shala" me Seli në Magurë përfaqësuar nga Bajram Shala

Neni 2

Qëllimi

2.1 Qëllimi i lidhjes së kësaj Marrëveshjeje është aktivizimi kinemasë dhe teatrit.

Neni 3

Obligimet e Komunës

3.1.Komuna merr obligim të bëjë

- Renovimin e sallës dhe parasallës

- Vendosja e një banaku për shitjen e biletave (i paisur me inventar për shitjen e pijeve (gjithmonë joalkoolike)
- Sigurimi i dy deri në tre TV (televizorëve) që shfrytëzohen për reklama të ndryshme

Neni 4

Obligimet e N.SH " Cinema Shala"

N.SH Cinema "Shala" e cila si aktivitet primar ka shpërndarjen e filmave, videove dhe programeve televizive, merr obligimet si në vijim:

- Sigurimi i projektorit digjital 3D
- Sigurimi i zërimit të sallës me premisa të veqanta
- Sigurimi i Autoparlantave për sallë
- Sigurimi i Autoparlantave për skenë
- Sigurimi i Ekranit me dimensione të caktuara paisje për reklama dhe montazh, titrim
- Sigurimi i llaptopit
- Sigurimi i një Videoprojektori
- Pastrimi i sallës (vetëm gjatë ditëve kur zhvillohen aktivitetet)

Për përdorimin e këtyre mjeteve N.SH Cinema "Shala" merr obligim angazhimin dhe pagesën e personelit të domosdoshëm si vijon:

1 (një) punëtor profesionist si kinooperator dhe montazher me kinokabin

2 (dy) Stuaerska (një për shitjen e biletave dhe një për kontrollin e sallës)

1 (një) udhëheqës profesional i cili do të kujdeset rreth lidhjes së kinemasë me EUROPA SINEMA poashtu edhe me linjat e ndryshme për sigurimin e filmave)

Neni 5

Organizimi aktiviteteve të Komunës

Komuna do ti zhvilloj të gjitha aktivitetet e planifikuara nga lëmi kulturës, rinisë dhe sportit apo të ngjashme sipas agjendës së planifikuar.

Komuna do ta njoftoj N.Sh. " Cinema Shala" dy - tri ditë para mbajtjes së aktiviteteve të planifikuara me qëllim të koordinimit të aktiviteteve në mënyrë të shmangies së mbajtjes së aktiviteteve në të njëjtën kohë .

Neni 6

Të ardhurat nga shitja e biletave

Të ardhurat të cilat sigurohen nga shitja e biletave do të shkojnë 80% për N.SH Cinema "Shala" dhe 20 % për Komunën e Lipjanit.

Neni 7

Zgjidhja e mosmarrëveshjeve

6.1 Kontestet eventuale të kësaj marrëveshje do të zgjidhen me mirëkuptim, në të kundërtën secila palë ka të drejtën e ndërprerjes nëse pala tjetër nuk i përmbahet obligimeve të përcaktuara me marrëveshje.

6.2 Komuna mban të drejtën e rishikimit apo shkëputjes së marrëveshjes në çdo kohë që e konsideron se është me interes për Komunën .

6.3 N.SH Cinema "Shala" mban të drejtën e tërheqjes të të gjitha paisjeve dhe personelit të cekur në nenin 4 të kësaj Marrëveshjeje në rast të shkëputjes së kësaj Marrëveshjeje.

6.4 Ndryshimet eventuale të kësaj Marrëveshje do të bëhen me marrëveshje mes palëve në formë të shkruar.

Neni 8

Hyrja në fuqi

Marrëveshja hyn në fuqi ditën e nënshkrimit nga palët kontraktuese .

Lipjan më _____

Imri Ahmeti

Kryetar i Komunës së Lipjanit

Bajram Shala

Përfaqësues i NSH. "Shala"